



Broj: 02-44- SI/18
Fojnica, 03.02.2018.godine

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06) i člana 31. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 77/06 i 5/07), na prijedlog Općinskog štaba civilne zaštite Fojnica, dana 03.02.2018.godine Općinski načelnik donosi

O D L U K U

O PROGLAŠENJU STANJA PRIRODNE NESREĆE OD OBILNIH KIŠNIH PADAVINA NA PODRUČJU OPĆINE FOJNICA MZ GOJEVIĆI, DUSINA, BAKOVIĆI

I

Proglašavam stanje prirodne nesreće uslijed obilnih kišnih padavina na području općine Fojnica- MZ Gojevići, Dusina i Bakovići.

II

Naređujem Službi za civilnu zaštitu i inspekcijiski nadzor da neprestano prati i procjenjuje situaciju na cjelokupnom području Općine Fojnica i da organizira stalni rad i dežurstvo u privremenom Općinskom operativnom centru, u zgradi Općine Fojnica.

III

Naređujem Službi za civilnu zaštitu i inspekcijiski nadzor, JKP „Ščona“ VD Fojnica kao i svim privrednim licima da na zahtjev Općinskog štaba civilne zaštite stave na raspolaganje ljudstvo i potrebna materijalno-tehnička sredstva za zaštitu i spašavanje ljudi i materijalnih dobara na ugroženim područjima Općine Fojnica- MZ Gojevići, Dusina, Bakovići.

IV

Naređujem Službi za privredu, budžet i finansije da sredstva planirana u Budžetu iz granta „ prirodne i druge nesreće“ i dio sredstava iz rezervi Budžeta stavi na raspolaganje Općinskom štabu CZ na dalje provođenje operativnih i sanacionih mjera zaštite i spašavanja ljudi i materijalnih dobara.

V

Općinski štab CZ Fojnica rukovodi akcijama zaštite i spašavanja ljudi i materijalnih dobara na području Općine Fojnica- MZ Gojevići, Dusina i Bakovići

VI

Pomoćnici Općinskog načelnika u službama za upravu, rukovodioci JKP i Javnih ustanova, privredni subjekti i nevladine organizacije su dužni osigurati provođenje svih naredbi i mjera Općinskog štaba CZ Fojnica.

VII

Drugi poslovi i zadaci koje treba obavljati tokom provođenja akcije zaštite i spašavanja su:

1. U saradnji sa Policijskom stanicom stalno pratiti nivo svih rijeka i potoka kao i prohodnost puteva na području općine Fojnica- MZ Gojevići, Bakovići i Dusina.
2. Putem sredstava javnog informiranja, oficijelne web stranice Općine Fojnica obavještenjima i ličnim kontaktima redovno informirati građane o stanju na području Općine – MZ Gojevići , Dusina i Bakovići i njihovim obavezama na zaštiti i spašavanju.
3. Stalno komunicirati sa predsjednicima -povjerenicima mjesnih zajednica o stanju u njihovim sredinama, prohodnost puteva , nivoa rijeka i potoka, kao i o mogućim hitnim slučajevima ugroženog stanovništva (hitni medicinski slučajevi i sl.).
4. Kordinirati aktivnosti sa Domom zdravlja u vezi hitnih slučajeva, odnosno o stanju pacijenata koji su na redovnim slučajevima ili terapijama.

VII

Odluka stupa na snagu danom donošenja, a primjenjivati će se sve do donošenja Odluke o prestanku proglašenja stanja prirodne nesreće.

Odluku treba odmah po donošenju saopćiti javnosti putem sredstava javnog informiranja i putem oglasa.

Ovu Odluku objavit u „Službenim novinama Općine Fojnica“.

OPĆINSKI NAČELNIK

Klisura Sabahudin, dip.ing.